

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE

po zahtjevu privrednog subjekta „Hifa – Oil“ d.o.o. Tešanj, Bukva 10, 74260 Tešanj

Sarajevo
april, 2020. godine



Broj: 01-26-7-003-2/20
Sarajevo, 23.04.2020. godine

Konkurencijsko vijeće Bosne i Hercegovine, na osnovu člana 25.stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po Zahtjevu privrednog subjekta „Hifa – Oil“ d.o.o. Tešanj, Bukva 10, 74260 Tešanj od 30.01.2020. godini, na 68. (šezdesetosmoj) sjednici održanoj dana 23.04.2020. godine, donijelo je

MIŠLJENJE

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 30.01.2020. godine pod brojem: 01-26-7-003-1/20 zaprimilo Zahtjev za davanje mišljenja privrednog subjekta „Hifa – Oil“ d.o.o. Tešanj, Bukva 10, 74260 Tešanj (u daljem tekstu: Podnosilac zahtjeva ili „Hifa – Oil“), a u vezi sa obavezom prijave koncentracije u smislu čl. 12. i 14. Zakona o konkurenciji („Službeni glasnik BiH“, br. 48/05, 76/07 i 80/09) (u daljem tekstu: Zakon).

Podnosilac zahtjeva u bitnom navodi da je „Hifa – Oil“ privredni subjekt čija je osnovna djelatnost promet naftom i naftnim derivatima (prodaja goriva, mazuta, bitumena, pružanje usluge transporta nafte i naftnih derivata na veliko putem tranzitne prodaje).

Osim prodaje i distribucije goriva na veliko, privredni subjekt „Hifa- Oil“ posjeduje i 11 maloprodajnih objekata u BiH, što prema navodima Podnosioca zahtjeva iznosi manje od 10% od ukupnog broja maloprodajnih objekata u Bosni i Hercegovini, jer samo u Federaciji Bosne i Hercegovine postoji oko 600 benzinskih pumpi.

Najveći dio prometa i prihoda (..)**¹ privredni subjekt „Hifa- Oil“ je ostvario od veleprodaje derivata, a ukupno učešće u distribuciji derivata u Bosni i Hercegovini iznosi cca (..)**.

Podnosilac zahtjeva je trenutno u aktivnim pregovorima sa privrednim subjektom (..)** u vezi sa zaključivanjem ugovora o zakupu (..)**, te navodi da su uslovi za prijavu koncentracije predviđeni članom 14. stav (1) tačke a) i b) Zakona za podnošenje prijave koncentracije ostvareni, kada se posmatraju ova dva privredna subjekta.

Postupajući po podnesenom Zahtjevu, analizom dostavljenih podataka i činjenica iz Zahtjeva, a na osnovu Zakona, Konkurencijsko vijeće daje slijedeće mišljenje:

Postupajući po podnesenom Zahtjevu, Konkurencijsko vijeće daje slijedeće mišljenje:

Koncentracijom, u skladu sa članom 12. stav (1) Zakona smatra se:

- a) spajanje ili pripajanje nezavisnih privrednih subjekata ili dijelova privrednih subjekata,
- b) sticanje kontrole ili dominantnog uticaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata i to:
 - 1) sticanjem kupovinom većine dionica ili udjela osnovnog kapitala; ili

¹ (..)** - podaci predstavljaju poslovnu tajnu

- 2) sticanjem većine prava glasa; ili
- 3) na drugi način, u skladu sa odredbama zakona koji reguliše osnivanje privrednih subjekata i njihovo upravljanje;
- c) zajedničko ulaganje na dugoročnoj osnovi, dva ili više nezavisnih privrednih subjekata, koji djeluju kao nezavisan privredni subjekt.

U smislu člana 12. stav (2) Zakona, sticanje kontrole se ostvaruje putem prava, zaključivanjem sporazuma ili drugim sredstvima kojima jedan ili više privrednih subjekata, bilo posebno, bilo zajednički, uzimajući u obzir sve pravne i činjenične okolnosti, stječu mogućnost ostvarivanja dominantnog uticaja nad jednim ili više privrednih subjekata.

U skladu sa članom 2. stav (1) pod b) Odluke o načinu podnošenja prijave i kriterijima za ocjenu koncentracija privrednih subjekata („Službeni glasnik BiH“, broj 34/10), privredni subjekti učesnici koncentracije, koji imaju sjedište i prebivalište u Bosni i Hercegovini, su dužni prijaviti Konkurencijskom vijeću ukoliko su ispunjeni uslovi iz člana 14. stav (1) tačka b) Zakona.

Obaveza prijave koncentracije privrednih subjekata, u smislu člana 14. stav (1) tačke b) Zakona, postoji ako ukupni godišnji prihod svakog od najmanje dva privredna subjekta učesnika koncentracije ostvarena prodajom roba i/ili usluga na tržištu Bosne i Hercegovine iznose najmanje 8 miliona KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40,0%.

Članom 14. stav (3) Zakona utvrđeno je da u slučaju da se koncentracija odnosi na spajanje ili pripajanje dijela ili dijelova jednog ili više privrednih subjekata, bez obzira da li ti dijelovi imaju status pravnog lica, pri izračunavanju prihoda, obračunavat će se samo prihod onih dijelova privrednog subjekta koji su predmet kontrole koncentracije.

Imajući u vidu naprijed navedeno, ukoliko su ispunjeni uslovi iz čl. 12. i 14. Zakona, Podnosilac zahtjeva, u skladu sa članom 16. stav (1) Zakona, je dužan Konkurencijskom vijeću prijaviti koncentraciju, u roku od 15 dana od dana zaključivanja ugovora o zakupu.

Konkurencijsko vijeće, slijedom navedenog, daje ovo mišljenje isključivo na osnovu podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo mišljenje se ne može primijeniti.

Predsjednica

mr. Arijana Regoda- Dražić